

# Хальмг тангъчар хаалгъ ясхмн

Хальмг тангъчин хаалгъс 10-15 джилин эргцд арднь ордж халадж яслгън уга бääсн учрар икär эвдрäd, урднь бääсн тагтс, усн гуудж гардг трубас болн нань чигн хаалгъин соруженъс цуг эвдрдж оч, нам зäрм грейдерн хаалгъс чигн билрдж одцхадж.

Тангъчд хаалгъ хäру ясх, шинäс хаалгъс кех даалгъвр-та ик төрмүд мана хаалгъ тосхачнрин öмн тавгдсн бääнä. Эн төр күүцäхд правительств 1 миллион 400 мингън арслин мөнъг мана тангъчд öгчänä. Кемрджän, эн мөнъгиг чикär олзлад, кöдлмшän сäänär бүрдäхлä хаврин болн зунн туршар хаалгъ ясх, кех даалгъвран давулдж күүцäх аргъ бääнä.

Болв, хаалгъ ясхд, шинäс хаалгъс кех кöдлмшт ик олтн техник кергтä. Техник болхла манд ода йир хätär. Улгүрлхд, мана Хальмг тангъчд ода бääх хаалгъ яслгъна участкуд техникär йир муугъар агсгддж. Элст балгъсн деер бääх 377-ч номертä участкд „ДТ-54“ гидг 2 трактор, „Д-20“ гидг 2 грейдер, 2 автогрейдер бääнä. Сарпинск районд бääх 365-ч номертä участкд „ДТ-54“ гидг 2 трактор, „Д-20“ гидг 1 грейдер, 1 автогрейдер, 1 автомашин бääнä. Минь иим цöкн техникär деер келгдсн хаалгъ яслгъна кöдлмшиг күүцäдж болшго. Эн хойр участкд дакад гурвагъад „С-80“ гидг трактор, неджägгäд грейдер болн автогрейдер, хошагъад-

гурвагъад автомашин бас кергтä.

Ода бääсн хаалгъ яслгъна хойр участок тангъчин хаалгъ яслгъна кöдлмшиг тетгджд чадшго, тер учр деерäс эн джилин мартин 15-д правительств гаргъсн шиидврär 380-ч номертä участок бас гаргъгдх зöвтä.

Эн участок гаргъх төр автомобильн-шоссейн хаалгъин краевой управленъд даалгъгдсн. Болв ода күртл деер келгдсн участок гаргъхин тускар ямр чигн кöдлмш эклгдäд уга.

Хальмг тангъчин райодар хаалгъ яслгъна районн отделмүд кöдлмшän сäänär делггүлäd уга. Зуг Западн болн Яшалтинск райодин хаалгъ яслгъна отделмүд хоорндан социалистическ дөрлдä кецхäдж, кöдлмшän му бишär кедж йовцхана.

Хаалгъ яслгъна кöдлмшт тангъчин күүч-көлсчнр олар орлцх кергтä, дакад совхозмудин МТС-н, МЖС-н болн колхозмудин гардачнр шунмгъа дөнъ-нөкд болн оньг öглгън кергтä.

Тиим дөнъ-нөкд боллгън, олтн-äмтнä шунмгъа орлцлгън бääхлä, Хальмг тангъчин хаалгъ тосхачнр öмнän тавгдсн тоомсрта төрмүдän күүцл-тägгär күүцäхднь магъдлад керг уга.

Адьяна Г.

Хальмг тангъчин автомобильн-шоссейн хаалгъин отделин заведующ.